



## Wënd Tën-tuuma (Wënd puusg la A tulgr be a yīnga) wilga tōnd tulsem doaag karengo (ḥutbatu alhaaḡa)

Yii a ‘Abdullaah [bn Mas’uud nengē (Wënd yard be a yīnga) a yeelame: Wënd Tën-tuuma (Wënd puusg la A tulgr be a yīnga) wilga tōnd tulsem doaag karengo (ḥutbatu alhaaḡa): Pēgr be ne Wēnde, d kot-A la sōngre la d kot-A yaafgo, la d kot-A gūudum n yi d yōyā wēnga, Wënd sēn kānd-a būmb pa tōe n menes-a ye, la A sēn menes-a pεεgd pa be ne-a ye, la m maan kaset ti soab sēn na n tū n tulgr ka be rēnda Wēnde, la m maan kaset t'a Muḥammad yaa A yamba la A Tën-tuuma, {Yāmb a nebā! Zoe-y y Soab ning sēn naana yāmb n yi yōor a yembrā, la A naan a pagā n yi yōorē wā, la A sēeg sēn tū ne b yiibā raop wusgo la pagba, la y zoe Wēnde Naab ning yāmb sēn yōkd taab sεεg ne A yuurā la y zoe rogmā, ad Wënd yume n yaa gūusda ne yāmba}, [Annisa'u: 1]. { Yāmb a neb nins sēn kō sūd ne Wēnde! Zoe-y Wēnde A zoes tēkē la y ra wa ki rēndame ti yāmb yaa sak n tū rāmba} [Aalu ‘[mraan: 102], {Yāmb a neb nins sēn kō sūd ne Wēnde! Zoe-y Wēnd la y yeel koεεg sēn yaa turga (70) t'A na maneg yāmb tuumā la A yaaf yāmb zūnuub-rāmbā la sēn tūuda Wēnd la A Tën-tuumā, ad a soab paama puur sēn yaa zisgo} [Al-Ahzaab: 70-71].

[Naṣun Ṣaḥuḥun (Gom-sikdem sēn manege)] [A [bn Maaḡa n togs-a - A At-tirmiiziyy n togs-a - A Abuu Daawuud n togs-a - A Ahmad n togs-a]

A [bn Mas’uude (Wënd yard be a yīnga) Kōta kibare ti Nabiyaamā (Wënd puusg la A tulgr be a yīnga) a wilga bāmba tulsem doaag karengo, yē me la b sēn yet b sēn wat n na n sung goam ḥutb-rāmbē wā la b sēn wat n rat n na n maan tulsem ninga, wala fur loees karengo, la arzūmā karengo (ḥutba) la zēng sēn pa rē, La karen-kāngā (Ḥutba) a gūbga maana-rāmb wusgo, sēn vēnegd Wēnd sēn sōmb ne pēgrā kōbgā fāa gillā, la sōngrā baooB A nengē Yē A Yembre, lagm-n-taag pa be ne-A ye, la zūnuub-rāmbā ludbu, la gāndg n bas-a wā, la A rellgo yel-wēnsā fāa pugē, yōorā yel-wēns la zēng sēn pa rē. Rē poorē ti Nabiyaamā (Wënd puusg la A tulgr be a yīnga) kō kibar ti kāndrā bee Wēnd nugē, rēnd A sēn kānd a soaba menesd pa be ne-a ye, la A sēn menesd a soaba kāndgd pa be ne-a ye. Rē poorē t'a togs Wēn-yembgā seedgā la b sēn tūud a soab sūd-sūd ka be rēnda Wēnde, la maan kaset ne tēn-tumdā, t'a Muḥammad yaa Wēnd yamba la A Tën-tuumā. La a pidsa goam-kāngā ne Aaya-kāensā b tāabā sēn gūbg ne sagl ti b zoe Wēnde -A naam yi wagelle n zēke- ne A sēn saglā maanego la A sēn gudgā zāagre, ti yaa Wēnd yel-sōmdā baooBo, la ned ning sēn maana rē a rolb yaa tuumā la a goamā manegre, la tuum wēnsā yēesgo, la zūnuub-rāmbā yaafgo, la vi-noogo dūni, la arzān paoong dūni yikr raarā.

النجاة الخيرية  
ALNAJAT CHARITY

